

宋
名
家
詞

題竹山詞

竹山先生出義興鉅族宋南渡

後有名璫字宣卿者善書仕亦

通顯子孫俊秀所居擅溪山之

滕故先生額不揚長于樂府此

稿得之於唐士牧家藏本雖無

詮次庶幾無遺逸云至乙巳

歲次秋七月十有七日湖濱散

人題

竹山詞

目錄

賀新郎

五調

沁園春

二調

女冠子

二調

大聖樂

一調

解連環

一調

永遇樂

一調

花心動

一調

金盞子

一調

喜遷鶯

二調

畫錦堂

一調

水龍吟

一調

瑞鶴仙

四調

木蘭花慢 二調

珍珠簾 一調

高陽臺 三調

春夏兩相期 一調

念奴嬌 一調

絳都春 一調

聲聲慢 一調

尾犯 一調

滿江紅 二調

探芳信 一調

梅花引 一調

洞仙歌 二調

最高樓 一調

祝英臺 一調

風入松 一調

解珮令 一調

一剪梅

二調

糖多令

一調

柳梢青

一調

阮郎歸

一調

金蕉葉

一調

小重山

二調

白苧

一調

蝶戀花

一調

虞美人

二調

南鄉子

二調

步蟾宮

二調

玉樓春

一調

戀繡衾

一調

浪淘沙

二調

燕歸梁

一調

步蟾宮

一調

南鄉子 一調

行香子 一調

粉蝶兒 一調

翠羽吟 一調

賀新郎 三調

摸魚子 一調

沁園春 一調

喜遷鶯 二調

齊天樂 一調

念奴嬌 一調

應天長 一調

賀新郎 一調

玉漏遲 二調

高陽臺 一調

探春令 一調

秋夜雨 四調

少年遊

二調

柳梢青

一調

霜天曉角

一調

如夢令

一調

竹山詞目

三

本堂閣

竹山詞目錄

終

竹山詞

宋 蔣捷

賀新郎

秋曉

渺渺啼鴉了。巨魚天寒生峭嶼。五湖秋曉。竹几
一鐙人做夢。嘶馬誰行古道。起搔首。窺星多少。
月有微黃籬。無影挂牽牛數朶。青花小。秋太淡。
添紅棗。愁痕倚賴。西風埽被。西風翻催鬢鬢。
與秋俱老。舊院隔霜簾不捲。金粉屏邊。醉倒計

無此中年懷抱萬里江南吹簫恨恨參差白雁
橫天杪煙未斂楚山杳

又

約友三
月旦飲

雁嶼晴嵐薄倚層屏千樹高低粉纖紅弱雲隘
東風藏不盡吹豔生香萬糝又散入汀蘅洲葑
擾擾囟囟塵土面看歌鸞舞燕逢春樂人笑物
知誰錯寶釵樓上圍簾幙小嬋娟雙調彈箏
半霄鸞鵲我輩中人無此分琴思詩情當却也

勝似愁橫眉角芳景三分才過二便綠陰門巷
楊花落沽斗酒且同酌

又

江吳

浪湧孤亭起是當年蓬萊頂上海風飄墜帝遣
江神長守護八柱蛟龍纏尾鬪吐出寒煙寒雨
昨夜鯨翻神軸動卷雕輦擲向虛空裏但留得
絳虹住五湖有客扁舟艤怕羣仙重游到此
翠旌難駐手拍闌干呼白鷺爲我慇懃寄語奈

鷺也驚飛沙渚星月一天雲萬壑覽茫茫宇宙
知何處鼓雙楫浩歌去

又懷舊

夢冷黃金屋嘆秦箏斜鴻陣裏素絃塵撲化作
嬌翼飛歸去猶認紗窗舊綠正過雨荆桃如菽
此恨難平君知否似瓊臺湧起彈碁局消瘦影
嫌明燭鴛樓碎瀉東西玉問芳踪何時再屢
翠釵難卜待把宮眉橫雲樣描上生綃画幅怕

不是新來粧束綵扇紅牙今都在恨無人解聽
開元曲空掩袖倚寒竹

又

兵後
寓吳

深閣簾坐綉記家人軟語燈邊笑渦紅透萬疊
城頭哀怨角吹落霜花滿袖影廝伴東奔西走
望斷鄉關知何處羨寒鴉到著黃昏後一點點
歸楊柳相看只有山如舊歎浮雲本是無心
也成蒼狗明日枯荷包冷飯又過前頭小阜起

未發且嘗村酒醉
揆枵囊毛錐在問隣翁要寫
牛經否翁不應但搖手

沁園春

爲老人書
南堂壁

老子平生辛勤幾年始有此廬也學邨陶潛籬
栽些菊依他杜甫園種些蔬除了雕梁肯容紫
燕誰管門前長者車怪近日把一庭明月却借
伊渠鬢邊白髮紛如又何苦招賓納客歟但
夏榻宵眠面風欹枕冬簷晝短背日觀書若有

人尋只教僮道這屋主人今日居休羨彼有搖
金寶轡織翠華裾

又

次彌雲
卿韵

結算平生風流債負請一筆勾蓋攻性之兵花
圍錦陣毒身之鴆笑齒歌喉豈識吾儒道中樂
地絕勝珠簾十里迷樓因底嘆晴乾不去待雨
淋頭休休著甚來由硬鐵漢從來氣食牛但
只有千篇好詩好曲都無半點閒悶閒愁自古

嬌波溺人多矣試問還能溺我否高擡眼看牽
絲傀儡誰弄誰收

女冠子

元夕

蕙花香也雪晴池館如画春風飛到寶釵樓上
一片笙簫琉璃光射而今燈設掛不是暗塵明
月卽時元夜況年來心嬾意怯羞與蛾兒爭耍
江城人悄初更打問繁華誰解再向天公借
剔殘紅燭但夢裏隱隱鈿車羅帕吳牋銀粉砑

待把舊家風景寫成閒話笑綠鬟隣女綺窗猶
唱夕陽西下

又

渡競

電旂飛舞雙雙還又爭渡湘灘雲外獨醒何在
翠葯紅蘅芳菲如故深衷全未語不似素車白
馬卷潮起怒但悄然千載舊跡時有閒人吊古
生平慣受椒蘭苦甚魄沉寒浪更被饞蛟妬
結瓊紉璐料貝闕隱隱騎鯨煙霧楚妃花倚暮

玉簫吹了沂陂同步待月明洲渚小留旌節朗
吟騷賦

大聖樂

陶成之
生日

笙月涼邊翠翹雙舞壽仙曲彼更聽得豔拍流
星慢唱壽詞初了羣唱蓮歌主翁樓中披鶴氅
展一笑微微紅透渦襟懷好縱炎官駐轍長是
春和 千年鼻祖事崇記曾趨雷聲飛快梭但
也曾三徑撫松採菊隨分吟哦富貴浮雲榮華

風過淡處還他滋味多休辭飲有碧荷貯酒深
似金荷

解連環

岳園
牡丹

妬花風惡吹青陰漲却亂紅池閣駐媚景別有
仙葩遍瓊甃小臺翠油疎箔舊日天香記曾遶
玉奴絃索自長安路遠膩紫肥黃但譜東洛

天津霽虹似昨聽鶉聲度月春又寥寞散豔魄
飛入江南轉湖渺山茫夢境難托萬疊花愁正

困倚鉤欄斜角待攜尊醉歌醉舞勸花自落

永遇樂

經

清逼池亭潤浸山閣雲氣凝聚未有蟬前已無
蝶後花事隨逝水西園支徑今朝重到半碍醉
筇吟袂除非是野身瘦小暗中引雛穿去梅
簷溜滴風來吹斷放得斜照一縷玉子敲枰香
綃落剪聲度深幾許層層離恨淒迷如此點破
謾煩輕絮應難認爭春舊館倚紅杏處

花心動

南塘
元夕

春入南塘粉梅花盈盈倚風微笑虹暈貫簾星
球攢巷徧地寶光交照湧金門外樓臺影參差
漫西湖波渺算天遠芙蓉萬朵是誰移到鬢
髮雙仙未老陪玳席佳賓暝香雲繞翠簏叩冰
銀管噓霜瑞露滿鍾頻醕醉歸深院重歌舞瑯
盤轉珍珠紅小鳳洲桺絲絲淡煙弄曉

金盞子

秋
思

竹山詞

七

汲古閣

練月縈窗夢乍醒
黃花翠竹庭館心
字夜香消
人孤另雙鶺鴒
被他羞看擬待告
訴天公減秋聲
一半無情雁正用
恁時飛來叫雲尋
伴猶記
杏欏暝銀燭下纖
影卸佩鸞春渦暈
紅豆小鶯
衣嫩珠痕淡印芳
汗自從信誤青驪
想籠鶯停
喚風刀快剪画簷
梧桐怎剪愁斷

喜遷鶯

春算

游絲纖弱謾著意
絆春春難憑託水
暝成紋雲

晴生影芳草漸侵裙幄露添牡丹新豔風擺秋
千閑索對此景動高歌一曲何妨行樂行樂
君聽取鶯囀綠窗也似來相約粉壁題詩香街
走馬爭奈鬢絲輸却夢回晝長無事聊倚闌干
斜角翠深處看悠悠幾點楊花飛落

又

改前
詞

游絲纖弱謾著意絆春春難憑託水暖成紋雲
晴生影雙燕又窺簾幙露添牡丹新豔風擺秋

千開索對此景動高歌一曲何妨行樂 行樂
春正好無奈綠窗孤負敲碁約錦幄調笙銀瓶
索酒爭奈也曾迷著自從髮凋心倦常倚釣闌
斜角翠深處看悠悠幾點楊花飛落

畫錦堂

荷花

染柳煙消敲菰雨斷歷歷猶寄斜陽掩冉玉妃
芳袂擁出霸場倩他鴛鴦來寄語駐君舴艋亦
何妨漁榔靜獨奏權歌邀妃試酌清觴 湖上

雲漸暝秋浩蕩鮮風支盡蟬糧贈我非環非佩
萬斛生香半蝸茆屋歸吹影數螺苔石壓波光
鴛鴦笑何似且留雙楫翠隱紅藏

水龍吟

微稼軒體
招落梅魂

醉兮瓊瀝浮觴些招兮遣巫陽些君毋去此颶
風將起天微黃些野馬塵埃汚君楚楚白霓裳
些駕空兮雲浪茫洋東下流君往他方些月
滿兮西廂些叫雲兮笛淒涼些歸來兮爲我重

倚蛟背寒鱗蒼些俯視春紅浩然一笑吐出香
些翠禽兮弄曉招君未至我心傷些

瑞鶴仙

紅葉

縞霜霏霽雪漸翠設涼痕猩浮寒血山窗夢淒
切短吟筇猶倚翼邊新樾花魂未歇似追惜芳
消豔減挽西風再入柔柯誤染紺雲成纈休
說深題錦翰淺泛瓊漪暗春曾泄情條萬結依
然是未愁絕最怜他南苑空堦堆遍人隔仙蓬

怨別鎖芙蓉小殿秋深碎蟲訴月

又

鄉城
見月

紺煙迷雁迹漸□鼓零鍾街喧初息風檠背寒
壁放冰蜃飛到絲絲簾隙瓊魂暗泣念鄉關霜
蕪似織謾將身化鶴來忘却舊遊端的 懽極
蓬壺渠漫花院梨溶醉連春夕柯雲罷奕櫻桃
在夢難覓勸清光乍可幽窗相伴休照紅樓夜
笛怕人間換譜伊涼素娥未識

又

壽東軒立
冬前一日

玉霜生穗也。渺洲雲翠痕。雁繩低也。層簾四垂也。錦堂寒早。近開爐時也。香風逶也。是東籬花深處也。料此花伴我仙翁。未肯放秋歸也。嬉也。繪波穩舫。鏡月危樓。醺瓊醑也。籠鬢睡也。紅粧旋舞衣也。待紗燈客散。紗窗日上。便是嚴凝序也。換青毡小帳。圍春又還醉也。

又

買妾名
雪香

素肌元是雪向雪裏帶香更添奇絕梅花太孤
潔問梨花何似風標難說長洲漾楫料鴛邊嬌
蓉乍折對珠籠自剪涼衣愛把淡羅輕疊清
徹螺心翠靨龍吻瓊涎總成虛設微微醉纈窗
燈暈弄明滅算銀臺高處芳菲仙佩步徧纖雲
萬葉覺來時人在紅幃半廊界月

木蘭花慢

永

傍池闌倚徧問山影是誰偷但鷺歛瓊絲鴛藏

繡羽礙浴妨浮寒流暗衝片響似犀椎帶月靜
敲秋因念涼荷院宇粉丸曾泛金甌粧樓曉
澀翠罌油倦鬢理還休更有何意緒怜他半夜
餅破梅愁紅稠淚乾萬點待穿來寄與薄情收
只恐東風未轉悞人日望歸舟

又

再賦
前題

渺琉璃萬頃冷光射夕陽洲見敗柳漂枝殘蘆
泛葉欲去仍留羅幃少年夢裡正窺簾月浸素

肌柔誰念衰翁自老斷髭凍得成虬 凝眸一
望絕飛鷗宇宙正清幽謾細敲紫硯輕呵翠管
吟思難抽颼颼晚風又起但時聽碎玉落簷頭
多少梅花片腦醉來誤整香篝

珍珠簾

壽岳
君選

書樓四面筠簾捲微燠起翠弄懸纖絲軟樓上
讀書仙對寶狻猊轉繡館釵行雲度影灩壽觥
盈盈爭勸爭勸奈芸邊事切花中情淺 金奏

未響昏蛸早傳言故却舞衫歌扇柳雨一窩涼
再展開湘卷萬顆蕖心瓊珠輓細滴與銀朱小
硯深院待月滿廊腰玉笙又遠

高陽臺

芙蓉容

霞鑠簾珠雲蒸篆玉環樓婉婉飛鈴天上王郎
颺輪此地曾停秋香不斷臺隍遠溢萬叢錦豔
鮮明事成塵鸞鳳簫中空度歌聲 臞翁一點
清寒性慣飡英菊嶼飲露蘭汀透屋高紅新管

小樣花城霜濃月淡三更夢夢曼仙來倚吟屏
芙蓉期不是瓊姬不是芳卿

又送翠英

燕捲晴絲蜂黏落絮天教綰住閒愁閒裏清明
囟囟粉澀紅羞燈搖縹暈茸窗冷語未闌娥影
分收好傷情春也難留人也難留芳塵滿目
總悠悠問縈縈珮響還繞誰樓別酒纔斟從前
心事都休飛鷺縱有風吹轉奈舊家苑已成秋

莫思量楊柳灣西且擢吟舟

又

開元

橋尾星沉街心塵斂天公還把春饒桂月黃昏
金絲柳換星搖相逢小曲方嫌冷便暝薰珠絡
香飄却怜他隔歲芳期枉費囊綃人情終似
娥兒舞到頻翻宿粉怎比初描認得游蹤花驄
不住嘶騎梅梢一寸殘紅炬喜尙堪移照櫻桃
醉醺醺不記元宵只道花朝

春夏兩相期

壽謝
今人

聽深深謝家庭館東風對語雙燕似說朝來天
上婺星光現金栽花結紫泥香繡裏藤輿紅茵
軟散蠟宮輝行鱗厨品至今人羨 西湖萬柳
如線料月仙當此小停颺輦付與長年教見海
心波淺縈雲玉珮五侯門洗雲華洞三春苑覆
拍調鶯急鼓催鸞翠陰生院

念奴嬌

壽薛
稼堂

竹山詞

十四

汲古閣

稼翁居士有幾多抱負幾多聲價玉立繡衣霄
漢表曾覽八州風化進退行藏此時正要一著
高天下黃埃撲面不成也控羸馬 人道雲出
無心纔離山後豈是無心者自古達官酣富貴
往往遭人描画只有青門種瓜閒客千載傳佳
話稼翁一笑吾今亦愛吾稼

絳都春

春愁

春愁怎画正顰背帶綠酴醾花謝細雨院深淡

月廊斜重簾挂。歸時記約燒燈夜。早拆盡秋千。
紅架縱然。歸近風光又是翠陰初夏。姪姀噸。
青炰白恨。玉珮罷舞。芳塵凝榭。幾擬倩人付與。
蘭香秋羅怕。知他墮策斜櫳馬。在底處。垂楊樓
下。無言暗擁。嬌鬟鳳釵溜也。

聲聲慢

秋聲

黃花深巷。紅葉低窗。淒涼一片秋聲。豆雨聲來。
中間夾帶風聲。疎疎二十五點。麗譙門不鎖。更

聲故人遠問誰搖玉珮簷底鈴聲彩角聲吹
月墮漸連營馬動四起笳聲閃爍鄰燈燈前尙
有砧聲知他訴愁到曉碎嚶嚶多少蛩聲訴未
了把一半分與雁聲

尾犯

寒夜

夜倚讀書床敲碎唾壺燈暈明滅多事西風把
絲鈴頻掣人笑語溫溫芋火雁孤飛蕭蕭檢雪
徧闌干外萬頃魚天未了予愁絕雞邊長劒

舞念不到此樣豪傑瘦骨稜稜但淒其衾鐵是
非夢無痕堪記似雙瞳繽紛翠纈浩然心在我
逢著梅花便說

滿江紅

一掬鄉心付杳杳露莎煙葦來相伴淒然客影
謝他窮鬼新綠舊紅春又老少玄老白人生幾
况無情世故盪摩中凋英偉 詞場筆行羣蟻
戰場胃藏羣蟻問如何清晝倚藤凭棐流水青

山屋上下束書壺酒船頭尾任坐涎斗大印黃
金狂周顗

又

秋旅

秋本無愁奈客裏秋偏岑寂身老大懽敲秦缶
嬾移陶甕萬誤曾因疎處起一閒且向貧中覓
笑新來多事是征鴻聲嘹唳雙戶掩孤燈剔
書束架琴懸壁笑人間無此小窗幽閒浪遠微
聽葭葉響雨殘細數梧桐滴正依稀夢到故人

家誰橫笛

撰芳信

菊

翠吟哨似有人黃裳孤竚埃表漸老侵芳歲識
君恨不早料應陶令吟魂在凝此秋香妙傲霜
姿尙想前身倚窗餘傲回首醉年少控駿馬
蓉邊紅鞦韆茸帽淡泊東籬有誰肯夢飛到正襟
三誦悠然句聊遣花微笑酒休賒醒眼看花正
好

梅花引

荆溪阻雪。或作江城梅花引。

白鷗問我泊孤舟。是身留。是心留。心若留時何
事鎖眉頭。風拍小簾燈暈舞。對閒影。冷清清。憶
舊遊。憶舊遊。舊遊今在否。花外樓。柳下舟。夢
也夢也。夢不到。寒水空流。漠漠黃雲溼透木綿
裘。都道無人愁似我。今夜雪。有梅花。似我愁。

洞仙歌

對雨思友

世間何處最難忘。盃酒唯是停雲想。親友此時

無一盞千種離愁西風外長伴枯荷衰柳去
年深夜語傾倒書窗燭心懸小紅豆記得到門
時雨正蕭蕭嗟今雨此情非舊待與子相期采
黃花又未卜重陽果能晴否

又柳

枝枝葉葉受東風調弄便是鴛穿也微動自鶯
黃千縷數到飛綿閒無事誰管將春迎送輕
柔心性在教得遊人酒舞花吟恣狂縱更誰家

竹山語

十八

汲古閣

鸞鏡裏貪學纖蛾移來傷粧樓新種總不道江
頭鎖清愁正雨渺煙茫翠陰如夢

最高樓

催春

新春景明媚在何時宜早不宜遲軟塵巷陌青
油懣重簾深院画羅衣耍些兒晴日照風吹暝
一片片雪兒休耍下一點點雨兒休耍灑纔
恁地越愆期悠悠不趁梅花到囟囟枉帶柳花
飛倩黃鸝將我話報春歸

祝英臺

次韵

柳邊樓花下館低捲繡簾半簾外天絲擾擾似
情亂知他蛾綠纖眉鵝黃小袖在何處閒遊閒
玩最堪嘆筆面一寸塵深玉柱網斜厓譜字
紅鸞驚剪燭記同看幾回傳語東風將愁吹去
怎奈向東風不管

風入松

戲人去妾

東風方到舊桃枝仙夢已雲迷画闌紅子樗蒲

處依然是春晝簾坐恨殺河東獅子驚回海底
鷗兒尋芳少步莫嫌遲此去却慵移斷腸不
在分襟後元來在襟未分時柳岸猶攜素手
房早掩朱扉

解珮令

春

春晴也好春陰也好著些兒春雨越好春雨如
絲繡出花枝紅裊怎禁他孟婆合皂梅花風
小杏花風小海棠風驀地寒峭歲歲春光被二

十四風吹老棟花風爾且慢到

一剪梅

宿龍游
朱氏樓

小巧樓臺眼界寬朝卷簾看暮卷簾看故鄉一
望一心酸雲又迷漫水又迷漫天不教人客
夢安昨夜春寒今夜春寒梨花月底兩眉攢敲
遍闌干拍遍闌干

又

舟過
吳江

一片春愁待酒澆江上舟搖樓上帘招秋娘度

與秦娘嬌風又飄飄雨又蕭蕭
何日歸家洗客袍銀字笙調心字香燒
流光容易把人拋紅了櫻桃綠了芭蕉

糖多令

壽東軒

秋碧瀉晴灣樓臺雲影閒
記仙家元在蓬山飛到
雁峯塵夏少三萬頃玉無邊
金醖倒垂蓮歌搖香霧鬢
任芙蓉月轉朱闌天氣已涼猶未
冷重九後小春前

柳梢青

有談舊
娼潘氏

小飲微吟殘燈斷雨靜戶幽窗幾度花開幾番
花謝又到昏黃潘娘不是潘郎料應也霜黏
鬢傍鸚鵡闌空鴛鴦壺破煙渺雲茫

阮郎歸

客中思
馬跡山

雪飛燈背雁聲低寒生紅被池小屏風畔立多
時閒看番馬兒新搵淚舊題詩一般羅帶坐
瓊簫夜夜挾愁吹梅花知不知

金蕉葉

秋夜不寐

雲褰翠幙滿天星碎珠迸索孤蟾闌外照我看
看過轉角酒醒寒砧正作待眠來夢魂怕惡
枕屏郎更画了平沙斷雁落

小重山

晴浦溶溶明斷霞樓臺搖影處是誰家銀紅裙
襖皺宮紗風前坐閒鬪鬱金芽人散樹啼鴉
粉糰黏不住舊繁華雙龍尾上月痕斜而今照

冷淡白菱花

又

曾伴芳卿鏘珮環
西風吹夢斷墮人寰
假饒無分入雕闌
窺粧鏡也令小溪灣
此地有誰怜
斜陽半臥處牧童攀
勸花休苦恨天天從
來道薄命是朱顏

白苧

正春晴又春冷
雲低欲落瓊苞未剖
早是東風

竹山詞

二十二

汲古閣

作惡旋安排一雙銀蒜鎮羅幙幽壑水生漪皺
嫩綠潛鱗初躍愔愔門巷桃樹紅纔約畧知甚
時霽華烘破青青萼憶昨引蝶花邊近來重
見身學垂楊瘦削問小翠眉山爲誰攢却斜陽
宇任蛛絲罥徧玉箏絃索戶外惟聞放剪刀聲
深在粧閣料想裁縫白苧春衫薄

蝶戀花

風蓮

我愛荷花花最軟錦投雲挨朶朶嬌如顫一陣

微風來自遠紅低欲醺涼波淺
莫是羊家張靜婉抱月飄煙舞得腰肢倦偷把翠羅香被展
無眠却又頻翻轉

虞美人

梳樓

絲絲楊柳絲絲雨春在溟濛處樓兒忒小不藏
愁幾度和雲飛去覓歸舟天憐客子鄉關遠
借與花消遣海棠紅近綠闌干纔卷朱簾却又
晚風寒

竹山詞

二十一

汲古閣

又

雨聽

少年聽雨歌樓上紅燭昏羅帳壯年聽雨客舟
中江闊雲低斷雁叫西風而今聽雨僧廬下
鬢已星星也悲歡離合總無情一任階前點滴
到天明

南鄉子

泊雁水汀洲冷淡瀟裙水漫秋裙上唾花無覓
處重游隔柳惟存月半鉤準擬架層樓望得

伊家見始休還怕粉雲天末起悠悠化作相思
一片愁

又

塘門
元宵

翠幃夜游車不到山邊與水涯隨分紙燈三四
盞鄰家便做元宵好景誇誰解倚梅花思想
燈毬墜絳紗舊說夢華猶未了堪嗟纔百餘年
又夢華

步蟾宮

木犀
或刻玉樓春

竹山詞

二十四

汲古閣

綠華剪碎嬌雲瘦。臙粧點菊前蓉後。涓涓月也。
染成香又何況。纖羅襟袖。秋窗一夜西風驟。
翠奩鎖瓊珠花鏤。人間富貴總腥羶。且和露攀
花三嗅。

又
春景

玉窗掣鎖香雲漲。喚綠袖低敲方響。流蘇拂處。
字微訛。但斜倚紅梅一餉。濛濛月在簾衣上。
做池館春陰模樣。春陰模樣不如晴。這催雪曲。

兒休唱

玉樓春

桃花灣馬跡

秦人占得桃源地說道花深堪避世桃花灣內
豈無花呂政馬來攔不佳明朝與子穿不去
去看霜蹄剡石處茫茫秦事是耶非萬一問花
花解語

戀繡衾

舊金小袖花下行過橋亭倚樹聽鶯被柳線低

二十
五
紫鬢紺雲垂釵鳳半橫
紅薇影轉晴窗盡樣
蘭心未到繡絳奈一點春恨在青娥顰處又生

浪淘沙

夜景

人愛曉粧鮮我愛粧殘翠釵扶住欲歌鬟印了
夜香無事也月上涼天
新譜學箏難愁湧蛾
灣一床衾浪未紅翻聽得人催伴不采去洗珠
鈿

又

九重

明露浴疎桐秋滿簾櫳拚琴無語意忡忡
拍破東窗窺皓月早上芙蓉前事渺茫中
煙水孤鴻一尊重九又成空不解吹愁吹
帽落恨殺西風

燕歸梁

風蓮

我夢唐宮春晝遲正舞到曳裾時翠雲隊仗綵
霞衣慢騰騰手雙垂忽然急鼓催將起似綵
鳳亂驚飛夢回不見萬瓊妃見荷花被風吹

步蟾宮

中秋

去年雲拚水輪皎喜今歲微陰俱歸乾坤一片
玉琉璃怎算得清光多少無歌無酒癡頑老
對愁影番嫌分曉天公元不負中秋我自把中
秋誤了

南鄉子

黃葵

冷淡是秋花更比秋花冷淡些到處芙蓉供醉
賞從他自有幽人處士誇寂莫兩三葩晝日

無風也帶斜一片西窗殘照裏誰家捲却湘裙
薄薄紗

行香子

舟宿
蘭亭

紅了櫻桃綠了芭蕉送春歸客尚蓬飄昨宵穀
水今夜蘭皋奈何雲溶溶風淡淡雨瀟瀟銀
字笙調心字香燒料芳踪乍整還凋待將春恨
都付春潮過窈娘堤秋娘渡泰娘橋

粉蝶兒

殘春

啼鴂聲中春光化成春夢問東君仗誰時送燕
怜晴鶯愛暝一窗芳哄奈囟囟催他柳綿狂縱
輕羅小扇桐花又飛么鳳記寒吟沁梅霜凍
古今人易老莫閒雙鞦尙堪遊荼蘼粉雲香洞

翠羽吟

紺露濃映素空樓觀峭玲瓏粉凍霽英冷光搖
蕩古青松半規黃昏淡月梅氣山影溟濛有麗
人步依脩竹瀟然態若游龍 綃袂微皺水溶

溶仙莖清瀝淨洗斜紅勸我浮香桂酒環珮暗
解聲飛芳靄中弄春弱柳垂絲慢按翠舞嬌童
醉不知何處驚剪剪淒緊霜風夢醒尋痕訪蹤
但畱殘挂穹梅花未老翠羽雙吟一片曉峯

賀新郎

鄉士以狂得
罪賦此餞行

甚矣君狂矣想胸中些兒磊砢酒澆不去據我
看來何所似一似韓家五鬼又一似楊家風子
怪鳥啾啾鳴未了被天公捉在樊籠裏這一錯

鐵難鑄

濯溪雨漲荆溪水送君歸軟蛟橋外

水光清處世上恨無樓百尺裝著許多俊氣做
弄得棲棲如此臨別贈言朋友事有殷懃六字
君聽取節飲食慎言語

又

贈彈琵琶者

妾有琵琶譜抱金槽慢撚輕拋柳梢鶯柘羽調
六么彈遍了花底靈犀暗度奈敲斷玉釵纖股
低画屏深朱戶拚捲西風滿地吹塵土芳事往

蝶空訴 天天把妾芳心誤
小樓東隱約誰家
鳳簫鼙鼓淚點染衫雙袖
翠修竹淒其又算背
燈影蕭條情互捐
佩洲前裙步步渺無邊
一片相思苦春去也亂紅舞

又

題後院
画像

綠墮雲垂領背琵琶盈盈裹手粉間紅靚依約
春游歸來倦又似春眠未醒
豔寒泚低迷蓉影
鴛帶鬆聲飛過也柳窗深尚記停針聽魂浩蕩

竹山詞

二十九

汲古閣

孤芳景 金釵斷股瓶沉井問蘇城香銷卷子
倩誰題詠燈暈青紅殘醉在小院屏昏帳暝誤
嗔怪眉心慵整人道真真招得下任千呼萬喚
無言應空對此淚花冷

摸魚子

寄東軒

嬋吟鞭雁峰高處曾游長壽仙府年年長見瑞
簪會霞杪葢芝輕度開繡戶芙蓉萬朶香紅賸
染秋光素清簫麗任豔玉盃深鸞酣鳳醉猶未

洞天算 塵緣誤迷却桃源舊步飛瓊芳夢同
賦朝來聞道仙童晏翹首翠房玄圃雲又霧身
恍到微茫認得胎禽舞遙汀近浦便一葦漁航
撐煙載雨歸去伴寒鷺

沁園春

壽岳君舉

管裴晉公生甲辰歲乘唐相釣向東都治第纔
娛老眼北門建節又絆閒身燠館花濃涼臺月
淡不記弓刀千騎塵誰堪羨羨南塘居士做散

仙人 南塘水向晴雲三百樹鳳洲楊柳春有
綠衣奏曲金口小雁綵衣勸酒玉跪雙麟前後
同年逸勞異趣中立番成雌甲辰斯言也是梅
花說與竹里山民

喜遷鶯

金村
阻風

風濤如此被閒鷗誚我君行良苦櫟葉深灣蘆
窠窄港小憇倦篙慵櫓壯年夜吹笛去驚得魚
龍皁舞悵今老但蓬窗緊揜荒涼愁縈別浦

雲斷處低雁一繩攔斷家山路佩玉無詩飛霞
乏序滿席快飈誰付醉中幾番重九合度芳尊
孤負便晴否怕明朝蝶吟黃花秋圃

又

晴青

晴天寥廓被孤雲画出離愁消索玉局彈碁金
釵剪燭芳思可勝搖落鏡粧爲慵遲晚笙曲綠
愁差錯倒纖指口從頭細數年肯同樂寂莫
花院悄昨夜醉眠夢也難憑托車角生肯馬足

方後才始斷伊漂泊悶無半分消遣春又一番
擔閣倚闌久奈東風忒冷紅綃單薄

齊天樂

元夜閣
夢華錄

銀蟾飛到觚稜外娟娟下窺龍尾電紫鞘輕雲
紅笈曲雕玉輿穿燈底峰縉岫綺沸一簇人聲
道隨竿媚侍女迎鑾燕嬌鶯詫炫珠翠 華胥
仙夢未了被天公瀕洞吹換塵世淡柳湖山濃
花巷陌誰說錢塘而已回頭汴水望當日辰遊

萬里發處但有寒蕪夜深青燐起

念奴嬌

夢有奏方響而舞者

夜深清夢到叢華深處滿襟冰雪人在瑤雲方
響樂杳杳衝牙清絕翠箕翔龍金樅躍鳳不是
絺寶鐵淒鏘仙調風敲珠樹新折 中有五色
光開參差披影對舞山香徹霧閣雲窗歸去也
笑擁靈君旌節六曲闌干一聲鸚鵡霍地花空
滅夢回孤館秋茄霜孤鳴咽

竹山詞

三十二

汲古閣

應天長

次清
真韵

柳湖載酒梅墅賒
棊東風袖裏寒色
轉翠籠池閣含櫻
薦鷺食囟囟過春
是客弄細雨晝陰
生寂似瓊花滴下
紅裳再返仙籍無
限倚闌愁夢斷雲
簫鵲叫度青壁漫
有戲龍盤盈盈佳
宅驕驄馬嘶巷陌
戶半掩墮鞭無迹
但追想白苧裁縫
燈下初識

賀新郎

繫牯
松詩

絕代幽人獨拚芳姿深居何處亂雲深谷自說
關中良家子零落聊依草木世喪敗誰收骨肉
輕薄兒郎爲夫壻愛新人窈窕顏如玉千萬事
風前燭 鴛鴦一旦成孤宿最堪憐新人歡笑
舊人哀哭侍婢賣珠回來後相與牽蘿補屋謾
采得栢枝盈掬日暮山中天寒也翠綃衣薄甚
肌生粟空歛袖倚修竹

玉漏遲

壽東軒

客窗空翠杪前生飲慣長生瓊醪回首紅塵換
了口花慙草隔水神仙洞府似只有飛霞能到
誰信道西風送我還陪清嘯縹緲柳側霞樓
正繡幙圍春露深煙悄魚尾傍岑雪上鬢雲猶
少醉傷笑容目語願來此年年簪帽青嶼小鶴
立淡煙秋曉

又

傳巖隱木如武林納浴堂徐氏女子于
客樓其婦也亦貯之所居樓上而圖西

湖景于

樓壁

翠鴛雙穗冷鴛聲喚轉春風芳景花湧袖香此
度徐粧偏稱水月仙人院宇到處有西湖如鏡
煙岫暝纖蔥誤指蓮峰篁嶺料想小閣初逢
正浪拍紅猊袖飛金餅樓倚斜暉晴把佳期重
省萬種惺鬆笑語一點溫柔情性釵倦整盈盈
背燈嬌影

高陽臺

江陰道
中有懷

宛轉怜香徘徊顧影臨芳更倚苔身多謝殘英

飛來遠遠隨人回顧却望晴簷下等幾番小摘
微薰到而今獨裊鞭梢笑不成春愁吟未了
煙林曉有垂楊夾路也爲輕顰今夜山窗還是
費繞梨雲行囊不是吳牋少問情誰去寫花真
待歸時葉底紅肥細雨如塵

探春令

春怨

玉窗蠅字記春寒滿茸絲紅處画翠鴛雙展金
蜩翅未抵我愁紅膩芳心一點天涯去絮濛

濛遮住對花彈阮纖瓊指爲粉靨空彈淚

秋夜雨

秋雨

黃雲水驛秋笳噎吹人雙鬢如雪愁多無奈處
謾碎把寒花輕挹紅雲轉入香心裡夜漸深
人語初歇此際愁更別雁落影西窗殘月

又

春○蔣正夫令作春
夏冬各一闋次前韵

金衣露溼鴛喉噎春情不解分雪寶箏絃斷盡
但萬縷閒愁難挹長紅小白誰亭館過禁煙

彈指芳歇今夜休要別且醉宿絳桃花月

又夏

髧車轉急風吹噎冰絲鬆藕新雪有人涼滿袖
怕汗溼紅綃猶搥三夏夢斷敲荷雨細聽來
疎點還歇茉莉標致別占斷了紗厨香月

又冬

紅麟不暝餅笙噎爐灰一片晴雪醉無香嗅醒
但手把新燈閒搥夏深凍損梅花也聽画堂

簫鼓方歇想是天氣別
豫借與春風三月

少年遊

春思

梨邊風緊雪難晴
千點照溪明
吹絮窗低唾茸
窗小人隔翠陰行
而今白鳥橫飛處
煙樹渺鄉城
兩袖春寒一襟春恨
斜日淡無情

又

春思

楓林紅透晚煙青
客思滿鷗汀
二十年來無家
種竹猶借竹爲名
春風未了秋風到
老去萬

綠輕只把平生閒吟閒詠譜作擢歌聲

柳梢青

游女。或刻蔣達

學唱新腔秋千架上釵股敲雙柳雨花風翠鬆
裙褶紅膩鞦韆歸來門掩銀缸淡月裏疎鐘
漸撞嬌欲人扶醉嫌人問斜倚樓窗

霜天曉角

折花

人影窗紗是誰來折花折則從他折去知折去
向誰家
簷牙枝最佳折時高折些說與折花

人道須插向鬢邊斜

如夢令

村景

夜月谿篁鬢影曉露巖花鶴頂半世踏紅塵到底輸他村景村景村景樵斧畔簑漁艇

昔人評詞盛稱李氏晏氏父子及耆卿子野
子游子瞻美成堯章止矣蔣勝欲泯焉無
聞今讀竹山詞一卷語多纖巧真世說靡也
字多妍倩真六朝隄也豈其稍劣于諸公耶

或讀招落梅魂一詞謂其磊落橫放其辛
幼安因調其殆以一班而失全豹矣湖南毛晉
識

竹山詞終